

BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
JU „Penzionerski dom sa stacionarom“ Zeničko-dobojskog kantona

Broj: 2171/2023
Zenica, 24.07.2023. godine

Na osnovu člana 20a. Zakona o radu („Službene novine Federacije BiH“, broj: 26/16, 89/18, 44/22), člana 4. Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“, broj: 9/23), člana 20. Statuta Javne ustanove „Penzionerski dom sa stacionarom“ Zeničko-dobojskog kantona, broj: 06/2013, Odluke o potrebi prijema radnika i pripravnika u radni odnos u JU „Penzionerski dom sa stacionarom“ Zeničko-dobojskog kantona, broj: 2151/2023 od 21.07.2023. godine, u skladu sa odredbama Pravilnika o radu JU „Penzionerski dom sa stacionarom“ Zeničko-dobojskog kantona, direktor JU „Penzionerski dom sa stacionarom“ Zeničko-dobojskog kantona raspisuje

JAVNI OGLAS
za prijem radnika i pripravnika u radni odnos

- I. JU „Penzionerski dom sa stacionarom“ Zeničko-dobojskog kantona, sa sjedištem u ulici Prve zeničke brigade 1/d, 72000 Zenica (u daljem tekstu: Ustanova) raspisuje Javni oglas za prijem radnika i pripravnika u radni odnos za sljedeća radna mjesta:
- 1. Medicinska sestra-tehničar** - jedan (1) izvršilac na neodređeno vrijeme, u Odjeljenju za socijalno i zdravstveno zbrinjavanje korisnika
Kratak opis radnog mjesta: vrši njegu pokretnih, nepokretnih, teže pokretnih korisnika i korisnika sa specifičnim potrebama pri održavanju osobne higijene i zadovoljavanju osobnih potreba, prisustvuje obilasku ljekara, dijeli terapiju po nalogu glavnog tehničara i ljekara, primjenjuje terapiju intrakutano (u kožu), subkutano (podkožu), intramuskularno (u mišić), lokalno, oralno prema propisanoj uputi ljekara, servira obrok i hrani korisnike, pomaže korisniku-bolesniku u stjecanju zdravstvenih navika, pruža prvu pomoć pri dolasku liječnika, vrši previjanje, toaleta rana i dekubitusa, vrši postupak sa umrlim korisnikom, obavlja pismenu i usmenu primopredaju dužnosti pri smjenama, evidentira sve u liječenju (masaže, oblozi i dr.), upoznaje korisnika pri smještaju u Ustanovi s kućnim redom, poduzima mjere za sprečavanje kućnih infekcija, priprema i vrši sterilizaciju instrumenata i sanitetskog materijala, radi u smjenama, po potrebi i prema uputama nadređenog ide u pratnji korisnika u određene zdravstvene ustanove, brine o ispravnosti otropedskih pomagala i drugih pomagala, obavlja druge poslove po nalogu glavnog tehničara i neposrednog rukovodioca odjeljenja, a za svoj rad odgovara glavnom tehničaru, neposrednom rukovodiocu odjeljenja i direktoru.
Pripadajuća osnovna neto plaća : 1.254,57 KM
Opći uvjeti za zasnivanje radnog odnosa: da je državljanin BiH, da ima navršениh 18 godina života, da ima opštu zdravstvenu sposobnost.
Posebni uvjeti za zasnivanje radnog odnosa: SSS (IV stepen), Medicinska škola, radno iskustvo šest (6) mjeseci, položen stručni ispit pred nadležnim Ministarstvom, licenca izdata od nadležne Komore.
 - 2. Njegovatelj/Njegovateljica** - dva (2) izvršioca na neodređeno vrijeme, u Odjeljenju za socijalno i zdravstveno zbrinjavanje korisnika
Kratak opis radnog mjesta: obavlja poslove zbrinjavanja i njege korisnika, obavlja ličnu higijenu korisnika (umivanje, pranje, češljanje, presvlačenje, rezanje noktiju), kupanje korisnika, svakodnevno presvlačenje i namještanje kreveta, donosi i odnosi posude za obavljanje fizioloških potreba i vrši dezinfekciju istih, vrši prevenciju kod dekubitusa, servira i hrani korisnike, obavlja poslove vezane za otpremninu umrlog korisnika, preuzima veš, posteljinu i odjeću korisnika i odnosi na pranje, obavlja i druge poslove po nalogu glavnog tehničara i neposrednog rukovodioca

odjeljenja, a za svoj rad odgovara glavnom tehničaru, neposrednom rukovodiocu odjeljenja i direktoru.

Pripadajuća osnovna neto plaća: 915,50 KM

Opći uvjeti za zasnivanje radnog odnosa: da je državljanin BiH, da ima navršenih 18 godina života, da ima opštu zdravstvenu sposobnost.

Posebni uvjeti za zasnivanje radnog odnosa: SSS (IV/III stepen) ili Osnovna škola (I/NKV), uvjerenje/potvrda o položenom kursu za njegovatelja (samo za lica koja nemaju završenu Medicinsku školu), radno iskustvo najmanje šest (6) mjeseci.

3. **Sobarica** - jedan (1) izvršilac na neodređeno vrijeme, u Odjeljenju za smještaj, ishranu, održavanje i usluge

Kratak opis radnog mjesta: čišćenje, pranje, dezinfekcija stambenih i dnevnih površina podnih obloga, namještaja, čišćenje kancelarija, prostorija medicinskog osoblja i svih drugih prostorija u Ustanovi, čišćenje prozora, obavlja i druge poslove po nalogu neposrednog rukovodioca, i za svoj rad odgovara neposrednom rukovodiocu odjeljenja i direktoru.

Pripadajuća osnovna neto plaća: 745,95 KM

Opći uvjeti za zasnivanje radnog odnosa: da je državljanin BiH, da ima navršenih 18 godina života, da ima opštu zdravstvenu sposobnost.

Posebni uvjeti za zasnivanje radnog odnosa: Osnovna škola (I/NKV), radno iskustvo šest (6) mjeseci.

4. **Medicinska sestra-tehničar - pripravnik**, jedan (1) izvršilac na određeno vrijeme šest (6) mjeseci
Medicinska sestra-tehničar pripravnik obavljat će pripravnički staž u skladu sa odredbama Pravilnika o pripravničkom stažu i stručnom ispitu zdravstvenih radnika („Službene novine FBiH“, broj: 99/21)

Pripadajuća osnovna neto plaća (70%) : 878,20 KM

Opći uvjeti za zasnivanje radnog odnosa: da je državljanin BiH, da ima navršenih 18 godina života, da ima opštu zdravstvenu sposobnost.

Posebni uvjeti za zasnivanje radnog odnosa: SSS (IV stepen), Medicinska škola, da nema radno iskustvo poslije sticanja diplome SSS

- II. Postupak izbora kandidata za sva oglašena radna mjesta će se zasnivati na razmatranju dostavljene dokumentacije i održanom intervju sa svakim od kandidata.

Posebnom odlukom imenovano Povjerenstvo će utvrditi pitanja, na temelju kojih će se izvršiti bodovanje kandidata. Kod ocjene rezultata intervju uzet će se u obzir sljedeći kriteriji: motivacija, radno iskustvo (za pozicije „1., 2. i 3.“), komunikacija, sklonost ka timskom radu.

Ocjenjivanje će se vršiti ocjenama od jedan (1) do pet (5) po svakom kriteriju.

- III. **Uz svojeručno potpisanu prijavu koja treba sadržavati kraću biografiju (CV), adresu i kontakt telefon, kandidati trebaju priložiti dokaze o ispunjavanju oglasom propisanih uslova i to:**

- a) Uvjerenje o državljanstvu - ne starije od šest (6) mjeseci od dana izdavanja od nadležnog organa do dana prijave na oglas;
- b) Izvod iz matične knjige rođenih;
- c) Diploma/svjedodžba o stečenoj srednjoj stručnoj spremi navedenoj u posebnim uvjetima za zasnivanje radnog odnosa (za poziciju „1., 2. i 4.“);
- d) Svjedodžba o stečenom osnovnom obrazovanju navedenom u posebnim uvjetima za zasnivanje radnog odnosa (za poziciju „2. i 3.“);
- e) Uvjerenje/potvrda o radnom iskustvu izdata od nadležnih institucija ili poslodavaca (za poziciju „1., 2. i 3.“);
- f) Uvjerenje o položenom stručnom ispitu pred nadležnim Ministarstvom (za poziciju „1.“);
- g) Važeća licenca izdata od nadležne Komore (za poziciju „1.“);
- h) Uvjerenje/potvrda o položenom kursu za njegovatelja (za poziciju „2.“);
- i) Dokaz da nema ostvaren radni staž u struci nakon završenog srednjeg obrazovanja (za poziciju „4.“);
- j) Izjava kandidata da nema radnog iskustva u struci (ovjerena kod notara ili organa uprave, za poziciju „4.“)

Napomena: Samo izabrani kandidat je obavezan u roku od 15 dana od dana zaprimanja obavještenja o njegovom izboru kao najboljeg kandidata, dostaviti ljekarsko uvjerenje.

Sva priložena dokumentacija uz prijavu dostavlja se u originalu ili ovjerenoj kopiji (neovjerene kopije neće se uzeti u razmatranje).

Uredna prijava se smatra prijava koja je potpisana od strane podnosioca.

Potpuna prijava smatra se prijava uz koju su priloženi svi dokazi o ispunjavanju općih i posebnih uslova naznačeni u javnom oglasu.

Blagovremena prijava se smatra prijava koja je podnesena u roku koji je određen u javnom oglasu. Neblagovremene, nepotpune i neuredne prijave, Povjerenstvo će odbaciti zaključkom.

O datumu, vremenu i mjestu pristupanja intervjuu, kandidati će biti obavješteni putem pošte i na e-mail adresu, ako su istu naveli u prijavi.

Kandidat koji ne pristupi intervjuu smatrat će se da je odustao od daljnje procedure.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, broj: 49/06, 76/11, 89/11).

IV. Način i rok za podnošenje prijava

Prijave sa dokazima o ispunjavanju uvjeta propisanih oglasom dostaviti u zatvorenoj koverti lično ili putem pošte preporučeno sa naznakom:

„ NE OTVARAJ- PRIJAVA NA JAVNI OGLAS“

(naziv radnog mjesta na koje prijavljuje)

JU „Penzionerski dom sa stacionarom“

Zeničko-dobojskog kantona

Prve zeničke brigade 1/d, 72000 Zenica

Javni oglas će biti objavljen:

- a) u dnevnom listu „Oslobođenje“
- b) na web stranici Ustanove www.pdzdk.com
- c) na web stranici Osnivača (Zeničko-dobojski kanton) www.zdk.ba
- d) na web stranici JU Službe za zapošljavanje Zeničko-dobojskog kantona www.zdk-szz.ba .

Javni oglas ostaje otvoren **osam (8) dana od dana posljednje objave.**

U slučaju potrebe za dodatnim informacijama, zvat na telefon broj: 032/425-505 ili 032/425-515, lokal 176.

JU „Penzionerski dom sa stacionarom“ Zeničko-dobojskog kantona nije obavezna vratiti priloženu dokumentaciju uz prijavu na oglas.

DIREKTOR

Damir Jukić, s.r.